



**CL. V. Ioannis Wamesii, I. C. Celeberrimi, In Academia
Lovaniensi Antecessoris Primarii, Responsorum Sive
Consiliorum De Ivre Pontificio Tomus ...**

Wamesius, Johannes

[S.l.], 1643

Ne sede vacante &c. Consilium CCLXXXV.

[urn:nbn:de:hbz:466:1-98691](https://nbn-resolving.org/urn:nbn:de:hbz:466:1-98691)

Propter denegationem solutionis debite pensionis recte instituat judicium possessorium sive retinenda sive recuperanda possessionis, c. *Querelam De elect.* non instituitur tamen recte ab eo, qui beneficii vel pensionis ipso iure est incapax; * interdicta enim possessionia super beneficio, & quæ ad similitudinem beneficiorum habentur, semper habent annexam seu conjunctam causam proprietatis; hoc est, qui illa proponit, debet non tantum possessionem, verum etiam titulum suæ possessionis (qui respicit causam suæ proprietatis) iustificare, Gloss. ult. in Clem. 1. *De caus. possess. & propriet. Rebus. ad consit. Reg. tit. de caus. benef. possess. art. 1. Gloss. 1. in princ. Berengarius Fernand. in l. Naturaliter §. nihil. commune in 1. combinatione nu. 17. De acq. possess.* * Et sic fit, ut resolutio titulo per incapacitatem possessoris, possessio quoque resolvatur; cum sine colorato saltem titulo huiusmodi iura Ecclesiastica non subsistant. Et quidem ipso iure; sic ut nulla superioris sententia vel declaratio requiratur, c. 1. & ibi Gloss. *De cler. conuig.* sed pro intruso habeatur is, qui sic per sententiam juris privatus, in possessione de facto persistit: ideoque de facto etiam sine vitio spoliij possessione expelli possit, multo magis in proposito per solam revocationem turbari, d. c. *De multa §. 1. de preb. & ibi Doct. Gigas in tract. De intruso nu. 55. & seq.* Atque ita paucis concludimus dicti Philippi intentionem in hoc possessorio iudicio propter notoriam & ex propria ejus allegatione apparentem incapacitatem, tam possessionis, quam tituli nullo iure fundatam esse.

Ne sede vacante &c.

S V M M A R I V M.

Prælatūra vacante ad quem pertineat administratio.

1. Prælatūra vacante patronus non administrat.
2. Prælatūra vacante Capitulum constituit economum.

CONSILIVM CCLXXXV.

COLLEGIATA Ecclesia Sancti Servatii Trajectensis Præpositum habet; cujus Præposituræ jus patronatus ex concessione Sedis Apostolicæ olim ad Imperatorem Romanum, & ex infeudatione oppidi Traiectensis per Imperatorem Duci Brabantie facta, nunc ad Ducem Brabantie pertinet: virtute cujus juris patronatus Dux Brabantie præsentationem, collationem dictæ Præposituræ habet; institutione & admissione ad Capitulum dictæ collegiatæ Ecclesiæ pertinente; ut hæc refert Oldradus notiter, conf. 312. *Thema questionis*, & plusquam notorium est. Queritur ad quem pertineat dictæ Præposituræ, cum vacat, custodia, fructuum perceptio, & administratio tam in spiritualibus quam temporalibus, an ad patronum, an ad Capitulum?

Cujus questionis resolutio difficultatem non habet. * Aperto enim iure decusum est, in c. *cum vos De offic. ordin.* vacante Prælatūra ad patronum laicum nihil devolvi præter potestatem conferendi, seu præsentandi personam idoneam ad ipsam Prælaturam: ita quod rebus Ecclesiæ, seu Prælaturæ se intromittere non debeat, non magis

in temporalibus quam in spiritualibus, Celsus Hugo, conf. 77. in fine; * sed earum procuratio, administratio, ac gubernatio devolvatur ad Capitulum, cujus est Prælatūra, Gloss. in d. c. *Cum vos in v. economos & ibi Innoc. Hostiensis*, Ioan. Andr. *Am. de Burro*, Zabarella, Ioan. de Imola, Hen. Boine *Panormit. & Bellamira*: ita ut etiam quæ jurisdictionis sunt ad Capitulum devolvantur, c. *unico De maior. & obed. lib. 6. c. Si Episcopus De supplen. negl. pralat. lib. 6. c. 13. cui De elect. lib. 6. gravi poenâ imminente Patrono laico contrarium facienti, c. Generali De elect. lib. 6. Et consequenter poterit prælatum Capitulum S. Servatii sine metu alicujus offensionis aut excessus vacanti Præposituræ suæ Ecclesiæ quamdiu vacat, providere, illi vicepræpositum seu economum constituendo, per quem temporalia ejusdem Præposituræ regantur & administrantur, d. c. *Cum vos in verb. ponatur economos*, Franc. Marcus *de off. Delph. 16. parte 2.* Rectorem seu Collectorem fructuum dando; officiis interea vel ex morte ipsius Præpositi vel ex alia causa vacantibus, per deputationem eorundem, vel aliorum providendo: potissimum quia licet dictæ Præposituræ collatio seu præsentatio ad Ducem Brabantie pertineat; illius tamen admissio & institutio pertineat ad ipsum Capitulum, ut ex usu notorio & Oldradi illo responso, d. conf. 312. constat. Quo casu decidit Ioannes Imolenis, in d. c. *cum vos nu. 8.* custodiam & administrationem pertinere ad Capitulum, & minime ad Patronum laicum. De quo etiam in proposito tanto minus hæsitandum, quod pro parte dicti Capituli proponatur Capitulum jam in immemoriali possessione ac consuetudine esse huiusmodi juris administrandi; & in anno 1539. vacante eadem Præpositurâ, eodem iure toto triennio usum fuisse: adeoque etiam fructus medij temporis suos fecisse dicatur: quæ consuetudo iuri non adversatur, c. *Præsent. De officio ordin. lib. 6. Oldradus conf. 194. Etiam tale est.**

De rebus Ecclesiæ alienand. vel non

S V M M A R I V M.

Alienatio rei Ecclesiasticæ prohibita.

1. Alienare non possunt exempti sine consensu Pape.
2. Solemnium præsumptio ex antiquitate quor. annos requirit.
3. Rescriptum vitiat falsa suggestio.
4. Restitutio in integrum coram delegato peti potest.
5. Ecclesia adversus alienationem in integrum restitui potest.

CONSILIVM CCLXXXVI.

PLVRIV Doctissimorum virorum labor, & diligens pertractatio in causa, quæ nunc in appellationis iudicio coram Venerabili D. Officiali Leodiensi ex delegatione Apostolica acta, & prius semel per sententiam Dominorum Commissariorum Apostolicorum terminata est, inter D. Renerum vander Aa, & executores testamenti quondam Dom. Huberti Rayn appellatos ex una; & Reverendos Dominos Decanum & Capitulum collegiatæ Ecclesiæ Beatissimæ Mariæ Regalis urbis Aquisgranensis appellantes ex altera partibus, faciunt, ut quod eorum